

Nenga shelter na pueblo ta un crimen

Unico shelter na Aruba tabata 'Animal Shelter'

ORANJESTAD(AAN)
Gobierno y esnan encarga cu calamidad na Aruba a laga pueblo cu un sabor amargo atras cu e forma con nan a atende preparacionnan pa

pueblo den caso di emergencia.

Pa basta aña hopi hende tabata gaba con bon nos hendenan na Aruba ta prepara pa calamidadnan

grandi pasobra diferente funcionario a worde manda pa paisnan pa haya tur sorto di training y cursonan, pero loke pueblo a haya di tende y wak na television no tabata nada di gaba.

Tabata tin un biramento di un banda pa otro pa bisa pueblo e berdad y tabata tin hende cu simplemente a perde cabes y a demostra cu na lugar nan mes keda tranquil, nan a perde control y haci declaracionnan for di sla cu a crea mas incertidumbre den pueblo cu na lugar di crea tranquilidad.

Prome Ministro Nél Oduber a pone masha hopi hende rabia cu su declaracionnan haci relaciona cu shelternan pa bay sconde y tambe cu e dia siguiente tur school lo habri normal.

Pa pueblo tabata inaceptable cu un gobierno ta nenga di bisa unda tabata tin shelternan pa sconde y ta te

na ultimo momento ora cu cos lo bira preta, gobierno a anuncia unda e supuesto shelternan lo tabata ta; esey ta inaccpetabel y tabata un acto condenabel di parti di tur esnan cu tabata encarga cu seguridad pa pueblo!

Cualquier hustificacion cu tanto gobierno como esnan encarga cu calamidad por bin cune despues ta keda un mal hecho y den futuro hopi cerca, esta for di e siman aki caba gobierno mester bay cuminsa traha of instala shelternan pasobra temporada di horcan no a caba ainda.

Si na Boneiro y Curacao nan por a instala shelternan y anuncia nan ubicacion na pueblonan di islanan ruman, anto ta con bin na Aruba unda tin tanto gabamento cu Status Aparte nan no por a indica ni un solo shelter na pueblo?

Durante di e menaza di

horcan Ivan, pueblo di Aruba tabata tin un solo seguridad encuan to shelter disponibel riba nos isla y esey tabata cu Animal Shelter tabata e unico shelter riba nos isla y esaki tabata y te awe ta un berdad cruel cu pueblo tin cu biba cune mientras cu gobernantenan ta kere di por sigui tuma pueblo haci cu supuesto bon maneho y bon planificacion.

Pueblo a keda cu e impresion atras cu gobierno no tabata tin un solo shelter pasobra si tabata tin shelternan bon prepara anto dia bieu e gobierno actual a gaba cu nan un par di dia prome cu e mal tempo a yega Aruba; stop di tuma hende haci y cuminsa traha pa e siguiente mal tempo cu por bin nos direccion.

Nenga di bisa pueblo bao di cualquier circunstancia unda e por bay sconde pa su mesun seguridad ta un crimen.

Ex-candidata gara cu cilinder gigantesco scondi den vagina



E sospechoso tabata candidata pa un certamen di beyesa na Aruba.

ORANJESTAD (AAN): E muher aki a check-in pa un vuelo pa Hulanda cu pasashi recién cumpra, pero a worde atrapa door di Douane cu e tin droga scondi. Ora cu oficialnan a descubri loke e tabatin scondi, nan a keda spanta. Un cilindro masha grandi y diki, color preto, e tabatin scondi den su vagina.

Vocero di Douane a confirma esaki pa DIARIO. E muher a worde identifica como e Arubiano M.M.V. di 25 aña di edad, biba den area di Companashi na Playa.

Na prome instante autoridad a sospecha cu e por tin bolita den stoma, pero el a nenga esey y finalmente admiti cu e tin algo scondi den su vagina. Un cacho anti-droga a worde treci, y el a reacciona mesora pa e area mey-mey di su pia.

Un Douanero femenino a bay listre, y a saca un cilindro diki for di su curpa, conteniendo droga.

Mesora e muher aki a worde deteni, y hiba pa Warda di Polis pa asina Re-



cherche di Crimen Organiza por haci su trabao.



Douanero canando cu e "cilinder" den saco di plastico.

NI CU AWA CORDA HORCAN!!

NEL, T'AMI TA E EXPERTO, ABO NO SA NADA DI METEOLOCO!!

MARK, BUCHI JUAN Y CHI MARIA NO TA COMPRONDE NADA DI CURRENT ADVISORY GUSTING PRESSURE MAX. WIND PANORD DI ARUBA, NAMI E MIKE!!

MENEER, TIN SCOL MAYAN?!

